

52

UGOVOR
o održavanju putnih prijelaza za 2021. godinu

UGOVORNE STRANE

1. Nadležna uprava za održavanje ceste, Direkcija za puteve Kantona Sarajevo, koju zastupa direktor Selmir Kovač, dipl.ing.saob., (u daljem tekstu Direkcija), I.D. _____; PDV broj _____ i Ž.R. _____ kod _____.
2. Javno preduzeće Željeznice Federacije BiH d.o.o. sa sjedištem u Sarajevu, Musala 2, koje zastupa Predsjednik uprave-Generalni direktor Enis Džafić, mr.ecc. (u daljem tekstu JP ŽFBiH), M.B. 4200450270001; PDV. B. 200450270001 i Ž.R. 102050000088171 Union banka dd Sarajevo

PREDMET UGOVORA

Član 1.

Predmet Ugovora je održavanje kolovoza, održavanja uređaja za davanje svjetlosno zvučnih znakova kojim se učesnicima u prometu, na cestama, najavljuje približavanje voza putnom prijelazu, uređaja za zatvaranje saobraćaja na putnom prijelazu, osiguranje urednog i nesmetanog saobraćaja na putnim prijelazima, troškove osvjetljenja i druge neophodne troškove. Troškove osiguranja urednog i nesmetanog saobraćaja na putnom prijelazu (u daljem tekstu PPr) snose ravnomjerno Uprava i JP ŽFBiH, u skladu odredaba člana 99 Zakona o sigurnosti željezničkog prometa ("Službeni list R BiH" broj 33/95), Pravilnika o putnim prijelazima ("Službene novine FBiH" broj 42/06) i člana 65. Zakona o cestama FBiH („Sl. nov. FBiH“ br 12/10).

Troškovi održavanja PPr će se specificirati u Predračunu radova koji su sastavni dio ovoga Ugovora.

Održavanje po ovom Ugovoru odnosi se na slijedeće PPr na pruzi 12 Bosanski Šamac-Sarajevo i i 11 Sarajevo – Čaplina:

1. PPr »Podlugovi 1» u km 232+406
2. PPr »Alića» u km 234+289
3. PPr »Malešići» u km 238+365
4. PPr »Donja Vogošća» u km 239+930
5. PPr »Semizovac» u km 241+672
6. PPr »Kisikana» u km 248+398

CIJENA RADOVA

Član 2.

Ukupna vrijednost radova prema Predračunu, iznosi 80.499,68 KM (Slovima: osamdesethiljadačetiristotinedvedesetdevet i 68/100 KM) bez uračunatog PDV-a, odnosno 94.184,63 KM (Slovima: devedesetčetirihiljadejednastotinaosamdesetčetiri i 63/100 KM) sa PDV-om. Ovu vrijednost će po 50% snositi Direkcija i JP ŽFBiH.

JP ŽFBiH je dužno obračunati i fakturisati porez na dodanu vrijednost u skladu sa Zakonom o PDV-u BiH.

Obračun radova vršit će se po jediničnim cijenama iz Predračuna radova Ugovora.

NAČIN I ROKOVI PLAĆANJA

Član 3.

Izvršene radove iz člana 1. Ugovora JP ŽFBiH će fakturirati Direkciji.

Uprava će izvršiti plaćanje izvršenih radova u roku od 20 dana od dana fakturisanja na transakcijski račun JP ŽFBiH d.o.o. Sarajevo koji bude upisan na ispostavljenoj fakturi.

Član 4.

Potrebne radove, koji se nisu mogli predvidjeti i specificirati u Predračunu (elementarne nepogode, udesi, otuđenja i sl.) utvrđuju ovlašteni predstavnici Direkcije i JP ŽFBiH. Ugovorne strane će dogovoriti obim i cijenu naknadnih radova te sačiniti aneks ugovora.

OBAVEZE JP ŽFBiH

Član 5.

JP ŽFBiH se obavezuje da će izvršiti radove iz člana 1. i 4. Ugovora :

- održavanje kolovoza,
- održavanje uređaja svjetlosno-zvučne signalizacije sa polubanicima,
- održavanje branika,
- održavanje saobraćajnih znakova, Andrejin križ, "STOP" i "Zabrana saobraćaja za vozila čija ukupna visina prelazi 4,50 m,
- održavanje zaštitnih kapija na elektrificiranim prugama,
- obezbjeđenje PPr sa čuvarskom službom (čuvari prijelaza).

OBAVEZE DIREKCIJE

Član 6.

Uprava vrši održavanje:

- Preostalog dijela puta na putnom prijelazu,
- Saobraćajnih znakova koji označavaju ukrštanje pruge i puta,
- Horizontalne signalizacije na putu.

Ti poslovi i troškovi nisu obuhvaćeni ovim ugovorom.

Član 7.

Izvršeni radovi na održavanju kolovoza u rejonu kolosjeka moraju biti tehnički pregledani i primljeni od strane Direkcije i JP ŽFBiH.

Član 8.

Uprava je dužana obezbjeđiti sredstva za održavanje navedenih PPr-a i izvršiti plaćanje prema ispostavljenim fakturama u roku predviđenim Ugovorom. U protivnom JP ŽFBiH će zaračunati važeću zakonsku zateznu kamatu.

ZAVRŠNE ODREDBE

Član 9.

Ovaj Ugovor se može mijenjati Aneksom ugovora, ukoliko dođe do ukidanja nekog od PPr-a ili otvaranja novog PPr-a i u slučaju radova iz Člana 4. ovog Ugovora, uz saglasnost obje ugovorne strane.

Član 10.

U slučaju spora po ovom Ugovoru, ukoliko se ne može riješiti sporazumno, spor rješava nadležni sud.

Član 11.

Ovaj Ugovor stupa na snagu danom potpisivanja.

Član 12


Ovaj Ugovor sačinjen je u 6 (šest) istovjetnih primjeraka, od kojih svaka ugovorna strana zadržava po 3 (tri) primjerka.



Direktor

Selmir Kovač, dipl.ing.saob.

Broj: 04-11-16/16-1
Datum: 13.04.2021

Predsjednik uprave - Generalni direktor

ELIS DZATIC, mr.ecc.



Broj: 1-4958-1/2021
Datum: 31.03.2021.